

55 iro váret. Ter helfant únde sîn uuib bezeichenent Adam unde Evun, tidir dirnun uuarin, er sí daz obiz azzin, daz in got verbôt, unde frémede uuären vón allen unrehlihon gérunon. Unde sâr so siu dáz ázzin, só uúrdin sió vértribin án dáz ellende tes kagænuuartigen libes. Tiu grúba vólliu unazzeres bézeichenet dáz ér chât: 'Salvum
60 me fac, deus'.

7. *DE VIPERA.* Ein sclahda naderôn ist, hëizzét vipera, fone déro zélet physiologus, so siu suanger uuérdán scúle¹⁾, daz er sinén münt dúoge in dén iro, so verslindet siu daz semen unde uuird so gér, daz siu ímo ábebízét síne gimáht, under sa tód liget. So danne
65 diu iungide giuuáhssent in iro uuanbe, so durehbizzent sie sí unde gant so úz. die naderûn sint gagenmázzot dien Judôn, die síh iu beuuállan mit unsúberen uerchan, unde dúréhahton iro fadér Christum únde iro mîotér, dié heiligun christianheid. Oûh gibúdet uns gót in einemo evangelio, daz uuir also frúotá sîn samé die selbén náterûn.
70 Dria slahta natérôn sint: ein slahta ist, so siu aldét, so suínét iro daz gesúne; so vastád siu vércég dágo unde viercég náhtô, so losét síh alliu íre hût ábo, so suóhchét siu einen lócheróhten stein unde sliuffét dár dureh unde stréifet die hud ábo unde iungét síh so. Ein ander slahta ist, so siu uuíle drinkán, so uzspiget siu zérest daz eitér.
75 Den úrm sculen uuir biledon, so uuir uuellén drinkan daz géistliche uuázzer, daz uns giscenket uuirt fone demo munde unserro éuuartôn, so sculén uuir uzspinnén zallerérist alle die unsúberheit, da míte uuir beuúóllen sîn. Diu drittá slahtá ist, so diu den man gésíhet nákédan, so flúhet siu ín; gesíbet siu in áber giuuátoten, so springét sí annen
80 in. Alsámo unser fatér Adam, unz ér nakedér uuas in paradýso, do négimahta der díufal nicht uuider ímo.

XXVI. ÓTLOHS GEBET.

Trohtin almachtiger, tú der pist einiger tróst unta éuúigiu heila aller dero di in dih gloubant iouh in dih gidintang, tú inluhta mîn herza, daz ih dina guoti unta dina gnáda megí anadenchin, unta mína sunta²⁾ iouh mína ubila, unta die megí só chlagen vora dir, alsó ih des
5 bidurfí. Leski, trohtin, allaz daz in mir, daz der leidíga viant inni mir zunta²⁾ uppigas unta unrehtes odo unsúbras, unta zunta²⁾ mih ze den giriden des éuúigín libes, daz ih den alsó megí minnan unta mih dara náh hungiro unta dursti alsó ih des bidurfí. Dara náh macha mih alsó frón unta kreftigin in alle dinemo dionosti, daz ih alla die arbeita
10 megí lídan die ih in deser werolti sculi lídan durh dina éra unta durh dinan namon iouh durh mína durfti odo durh íomannes durfti. Trohtin, dú gib mir chraft iouh dú chunst dara zuo.³⁾ Dara náh gib mir solíha gloubi, solíhan gidingan zi dínero guoti, alsó ih des bidurfí, unta solíha mína, solíha vorhtun unta diemuot unta gíhórsama iouh gidult
15 míten ih wonan. Dara náh bito ih daz dú mir gebest solíha súbricheit, mínan gidanchan iouh mínemo líhnamon, sláffentemo odo wachentemo, daz ih wirdiglihen unta amphanglihen zi dínemo altari

¹⁾ sóule hs. ²⁾ suinta, zuinta mit radiertem i hs. ³⁾ zoa, & über dem o, hs.